

443

L

46





443 L 46  
BURCHERI DE VOLDER

KW 443  
L 46  
**ORATIO  
FUNEBRIS**

In Obitum

*Consultissimi Viri*

**SIBERTI COEMAN**

Philosophiæ & U. Juris Doctoris  
hujusque in Acad. Lugduno Batava  
Professoris.

*Habita in Auditorio majori a. d. vii. Calend.  
Novemb. 1679.*





BOECHERUS DE VOLDEN

# ORATIO FUNEBRIS

In Obitum

Consilijum Vni

SIBERTI COEMAN

Philosophie & U. Iuris Doctoris

Publicus in Acad. I. ordinis Praeceptor

Procellorum

Actum in Academia majori a. d. vii. Calend.

Septemb. 1679.



# MAGNIFICE RECTOR,

AMPLISSIMI REIP. LUGD. BATAVÆ CONSUL,  
JUDICES, SENATORES, QUIQUE IIS ESTIS,  
A CONSILIIS ET SECRËTIS.

ΤΟΥ ΜΑΚΑΡΙΟΥ ΝΟΤΡΙ ΑΦΦΙΝΙΣ, CONSAN-  
GUINEI, AMICI MOESTISSIMI.

PROFESSORES CELEBERRIMI, COLLEGÆ  
HONORANDI.

FACUNDISSIMI VERBI DIVINI PRÆCONES.

DOCTORES QUARUMCUNQUE DISCIPLINA-  
RUM CLARISSIMI.

QUOTQUOT ADESTIS  
VIRI HONORATI,

*Tu denique Studiosa Juventutis corona, spes Patriæ,  
deliciæ nostræ.*



Perpetuas rerum humanarum vicissitudines, Nihil ne temporis quidem puncto in terris stabile, in continuo fluxu versari omnia, & in sola inconstantia constantissimum Naturæ ordinem, nemo nostrum non agnoscit. Quam vana sint hominum consilia in longitudinem præsertim exporrecta, quam inanes magnæ de futuro cogitationes, & quam sæpenumero à destinatione nostra dejicia-



ROORATILOAM  
mur longissime in ore est omni populo. Nescio  
tamen quo fato fiat, ut hæc ipsa quæ ante omnium  
oculos posita quotidiano usu habemus compertis-  
sima, quæ summa omnium assensione & ipsimet  
deprædicamus frequenter, & ab aliis deprædicari  
intelligimus præterfluant quasi mentem, eamque  
placido, nec fluctus ullos, multo minus procellam  
commovente cursu præterlabantur. Nulla dies  
est, quæ non variam exhibeat hominum sortem.  
Hunc de summo honoris & dignitatis gradu deji-  
ci, illum humili ex loco assurgere. Morbis, dolori-  
bus, ægrotudinibus, omni calamitatum & miseria-  
rum genere, nunc hos nunc illos affligi, morte  
alios lentiore duci, alios repentina præcipitari  
mundi hocce Theatrum singulis tantum non mo-  
mentis ostentat. Quotusquisque tamen quæso est  
qui ad hæc attendat? qui eadem illa, quæ cæteros  
pati securus videt, nullo non tempore sibi immi-  
nentia vere ad animum revocet? Quanquam enim  
mens nostra suam hoc in genere desipientiam fa-  
cile deprehendit, quanquam clare perspicit ratio,  
nec se nec suos ullo proprio jure uti, sed communi  
omnium eorum, quos quotidie efferri videt, non  
tamen in eo commovetur animus, nisi tum demum,  
ubi hæc ipsa mala subitaneo præsertim impetu  
charissima nobis pectora invadentia mentem quasi  
ex profundo sopore excitatam ad tristissimam suæ  
sortis

F U N E B E R O I S.

fortis contemplationem convertunt. Tum demum ex animo deflere solemus quasi nunc primum cognitam miseram humani generis conditionem. Tum demum spei nostræ ineptias incusare, & fortunæ alia & alia continenter molientis volubilitatem, lachrymis, gemitu, suspiriis prosequi. Huic rei, qua nulla est inter homines familiarior, ut vere fatear, affine quid passus sum in acerbissimo exitu Charissimi mihi amici SIBERTI COEMAN, in ipso ætatis flore, in rerum agendarum principio in-  
 tempestiva morte nobis erepti. Noram equidem *ἡ μάχη* non secus ac omnia in potentissima Dei manu esse. Noram nullius cujuscunque etiam sive ætatis sive ordinis vitam vel temporis momento in tuto collocatam. Noram nihil tam firmis positum fundamentis, quod non leve momentum concutiat, imo prorsus destruat. Quæ cum nossem, non potui tamen, quin vanæ indulgens spei ex nupero hujus ad hanc Academiam adventu multos Academia ingenii & eruditionis, multos mihi & solidos & duraturos amicitia benevolentiaque fructus pollicerer. Expectabam siquidem ab ipso, quæcunque ex alterius humanitate, candore, ingenio, doctrina, suavissimo denique consortio jucundissima accidere homini possunt. Et jure certe merito expectabam, si à prima pueritia mihi perspectos ejus mores ingenua urbanitate & lepore conditos, excellentes



cellentes ingenii dotes , & quod hanc ad rem maximum est , amoris in me spectarem magnitudinem. Mihi ab altera parte nihil erat deliberarius , quam omni cultus & observantiæ genere amorem huncce demereri , ipsiusque in me officiis , quæ semper novi fuisse paratissima , niti ut paribus responderem. Quæ quidem ego grata animi cogitatione cum volverem , ecce ex improvviso D. O. M. Virum hunc ab Uxore , Liberis , Academia , Affinibus , Amicis , me denique avulsam , sibi redditum voluit , unoque hoc ictu jucundissimas illas cogitationes meas in tristes & luctuosas mutavit. Neque vero mihi , hoc in rerum statu , quidquam aut expectandum aut faciendum restare videtur , quam cum illis officiis , quibus Vivum mihi prosequendum destinaram nullus nunc sit locus id certe , quod unice relictum est , honori defuncti ut præstem , quod , Amicitia quæ inter nos à teneris fuit causa , injunctum mihi voluit AMPL. SEN. ACAD. nostri ut vitam , ut mores , ut studia , ut res gestas paucis , (habet enim Vita minime inquieta , & nimium , proh dolor , cito abrupta actus haud multos) vobis enarrem. Resarciet forte amoris mei abundantia quod in celebrandis Viri laudibus mihi deest à facundia. Sin minus , id certe faciet ut testatam publico nostram amicitiam relinquat , simulque si dicendi tenuitate quod lubens agnosco,

# F U N E B R I S.

ſco, ſummis ejus dotibus oratione exarquantis par non ſim, quoniam amore inductus hoc officium ſuſcepi, & à mœſtiſſimis quos hic præſentes video conſanguineis, & à vobis etiam cæteris meis auditoribus veniam facilius impetrem. Quam ut ab æquitate veſtra mihi denegatum non iri confido, ſic ab eadem omnino expectandum cenſeo, ut qua benevolentia frequentes oftendiſtis Vos defunctum ſi longiorem vitam fata conceſſiſſent, proſecuturos fuiſſe, eadem me Vobis exponentem, quanto Viro orbatu ſitis, hac horula proſequamini.

Non ignobilem patriam, honeſtos parentes non in minima felicitatis habendo parte, multi & clari Viri cenſuere. Quorum utrumque τῷ μακαρίῳ benigna ſat manu largita Fortuna eſt. *Amſtelodamum* celeberrimum illud Totius Europæ, imo orbis Terrarum emporium, Mercurii Muſarumque præclarum domicilium, ex antiqua & honeſtiſſima illic familia nobis hunc civem dedit. Avus noſtri *Conradus Henricides* Vir ſumma animi quibuſcunque etiam in fortunæ calibus tranquillitate, quietam ad extremam uſque 90. annorum ſenectutem vitam protraxit. Uxorem habuit *Corneliam Coeman*, à qua poſteri, hujus cum parens virili caret ſobole, cognomen ſumſere, *Joannis Janſſonii Coemanni* Filiam. Fuit noſtri hic proavus numeroſa, ſed ſequioris ſexus felix prole, ex quibus plures  
vel



## O R A T I O

vel cognatione, vel affinitate sibi junctos vidit no-  
 ster Reip. Amstelæd. & olim & nunc Coss. judi-  
 ces, variis gestis honoribus, & præfecturis Indica-  
 rum societatum insignes; vidit & plures Divini  
 Verbi multis in locis fidelissimos præcones. Ex  
 hujus Viri Filia *Conradus Henricides* filios duos, tres  
 filias suscepit, in eo præcipue felix, quod & hosce  
 Matrimonio junctos & ex iis Nepotes & Prone-  
 potes florentibus in rebus viderit. Hujus filius  
*Joannes Coene Coeman* defuncti pater, Mercaturæ à  
 parentibus destinatus prima statim sub adolescen-  
 tia *Hispaniam* adiit; sedemque annum & sex men-  
 ses linguæ noscendæ ergo *Malacæ* fixit. Dein  
 cum suam & fidem & sagacitatem facile civibus  
 probaret suis à multis eorum certatim electus fuit,  
 qui rerum ipsorum curam illis in oris gereret.  
 Hujus rei causa *Mare Mediterraneum* trajecit, adja-  
 centia ei oppida *Tunetum, Venetias, Sardinia* etiam  
*Promontoria* invisit. Post ad nobiliora Gallici  
 regni transit, Emporia, summa sedulitate om-  
 nia solertissimi Mercatoris implens Munia. Hinc  
 tardius Patriam revisens, tardius quoque de  
 conjuge sibi prospicere potuit. Qua re factum ut  
 annos jam natus 34. uxorem demum sibi asciverit  
*Joannam Siberri* filiam, cujus Pater circum oppida,  
 quæ *Mosa* alluit strenue Mercaturam faciebat.  
 Hisce ex parentibus præter duos filios, quorum  
 alterum



# F U N E B R I S.

alterum adhucdum puerum, alterum spectatæ pietatis juvenem circa annum ætatis secundum & tricesimum mors abstulit, & unicam filiam, quæ juvencula admodum decessit, Natus est *εμμανουήλ*, qui unice hucusque superstes parenti jam octuagenario majori ultimos luctus commovet. Quæ quidem omnia enarro strictius, non quod in iis non agnoscam multa, quæ ad dignitatem faciant familiæ, sed quod me ad se trahat defunctus, de quo tot mihi dicenda video illi soli debita, ut quæ externa, quæ gentis, quæ fortunæ sunt, molli brachio cogar percurrere.

Natus itaque noster est a. d. xvii. Calend. Jul. anni 1643. insigni parentum gaudio, quod non mediocriter auxit, cum mox ipsa in infantia singularis ingenii solertiæve plurima daret indicia, quæ & parentes, hunc studiis ut addicerent, impulerunt. Latine ut sciret effectum est opera *Adriani Junii* ludi apud Amstelodamenses litterarii quondam moderatoris; Viri ut in litterarum palæstra exercitissimi, sic ad id ipsum nati, ut insigni veræ eruditionis, & solidæ sapientiæ amore inflammatos juvenum animos superioribus imbuendos traderet disciplinis. Ad quas cum perventum esset sollicitus admodum de recto studiorum tramite, filii amantissimus simul & prudentissimus pater, non quod vitium plerorumque est parentum, nimia festinatione

E

tione

## O R A T I O

tione spes suas præcipitandas ratus, juvenis ani-  
 mum litteris humanioribus, & *Philosophia* studiis  
 non leviter tingi, sed penitus imbui voluit. Quo  
 quidem ipso tempore mutux inter nos benevolen-  
 tiæ & nunquam intermorituræ amicitia communi  
 ex studiorum genere firmissima jacta esse funda-  
 menta, & nunc mihi gratulor. Versabamur liqui-  
 dem iisdem in studiis, utebatur iisdem præcepto-  
 ribus Viris Clarissimis *Arnoldo Senguerdio* Colle-  
 gæ mei *Senguerdii* parente, *Philosophiæ* Amstelod-  
 dami Professore Primario, nunc *ἐν ἀγίοις*, & *Alexan-*  
*dro de Bie* *Mathesin* ibidem tunc temporis, nunc  
 & *Philosophiam* profitente. Horum ductu *Mathe-*  
*máticas* disciplinas cum *Philosophicis* copulavit,  
 neque separandas eas scientias censuit, quas & ra-  
 tio, & rerum conjunxit Natura; Philosophorum  
 sola disjunxit ignorantia. Præterquam enim quod  
 is esset, qui nullam sibi studiorum negligendam  
 partem censeret, facile sibi persuaderi passus est,  
*Mathematicas* scientias, licet primo aspectu non  
 tantum videantur spondere fructuum, habere ta-  
 men in recessu quamplurima ad Viræusum, ad ra-  
 tionis rectæ regimen, ad Veritatis inquisitionem  
 utilissima. Non enumerabo, quod facile possem,  
*Mathematicarum* rerum plurimas omnino non  
 contemnendas utilitates; prætermittam absque ha-  
 rum usu eximiam rerum *Physicarum* notitiam ha-  
 biturum



F U N E B R R I S.

biturum neminem: Nec adducam harum disciplinarum neglectu in tenebris & squallore multos annos Philosophiam jacuisse: Id unum addam, quod nemo diffitebitur, nihil quibuscunque etiam in negotiis iudicii robore esse præstantius: Nihil certo veri & falsi indicio pretiosius: Nihil denique mentis indignoscenda Veritate exercitatione omnes ad res præclarius. Ad quæ nobis vel comparanda vel corroboranda certe, plurimum momenti afferre artium harum inquisitionem, vel perfunctorie eas contemplanti, & certas earundem demonstrationes cum aliarum, nisi Geometrico ritu tractentur, quod nostro demum cæptum est sæculo, incertis plerumque conjecturis conferenti, planum erit. Glorientur vulgo de *Dialectices* præstantia, audiat illa unica veri falsive disceptatrix & iudex; certe *Mathesis* quæ re præstat, quod Verbo *Dialectica* promittit, suam sibi gloriam apud rerum peritos præcipi non patietur. Hæc nempe ea est, non quæ nunquam cessaturis gaudet contentionibus, quæ innumeras controversias controversiis accumulatur, sed quæ per rectam rationis & scientiæ nos ducendo semitam ipso usu monstrat veram veritatis inquirendæ & cognoscendæ viam; frequenti docet experientia, qua hæc optime cognoscuntur, claras distinctasque de rebus formare notiones, unicam illam certi incertive normam.



# O R A T I O

Hisce sive rationibus adductus, sive amicorum consilia secutus, sive suo ad scientias capeſſendas ardore motus, utraque disciplina, aut, ut verius loquar, utroque unius disciplinæ membro mentem suam non perfunctorie expolivit. Qua in re ea usus est sedulitate, ut quæ vix ante plenam omnino ætatem assequuntur etiam docti, illa prætextatus adhucdum præstiterit puer. Septimum decimum quippe ætatis annum nondum explerat, quin quicquid in Conicis Apollonius, quicquid Pappus, quicquid antiquorum Mathematicorum facile Princeps Archimedes litteris prodidisset, perspectum & intellectum habuerit. Hisce si addas insignem quam posuit operam in Philosophorum scriptis, in Scholasticorum voluminibus, & dein, cum hæc tenere altiora & solidiora spirans ingenium nequirent, in pervolvendis *Albazeri, Vitellionis, Baldi, Ubaldi, Galilæi, Gassendi, Kepleri*, & innumeris tum Veterum tum recentiorum monumentis, admiraberis summopere indefessam hanc in tam tenella ætate diligentiam; stupebis mentis immensum robur, quo adolescentiam nondum ingressus tantis & tam operosis negotiis suffecerit. Quibus tamen omnibus non ita exhaustæ fuere nostri Vires, quin & *Anatomes* adjecerit cognitionem, turpe sibi arbitratus omnium corporum Naturam dum scrutaretur, sui si negligeret notitiam. His in studiis, cum

ultra

# F U N E B R I S.

ultra triennium elaborasset sedulo cupido hominem incessit, Philosophica laurea condecorari se ut gestiret. Quam in sententiam & me & alterum sodalem nostrum eodem in stadio currentem, qui nuper Amstelodami Praxin feliciter exercens Medicam diem suum obiit, suo & exemplo & hortatu adduxit. Nos igitur terni hac de causa Ultrajectinam adire Academiam. In qua primum insolitam omnibus in solennibus exercitiis solertiam demonstrando magnam sui admirationem commovit, & dein in ipso promotionis actu industriam suam omni omnium expectatione majorem comprobavit. Non enim, ut vulgares solent animæ, publica Oratione tralatitia multa de laudibus suæ disciplinæ congeffit, verum hanc cramben exorsus, & majora sapiens magno, si hanc ætatem spectes, ausu id egit, ut intima rerum Philosophicarum penetralia penitus excutiendo, admirabili judicii & ingenii dexteritate, innumeros, quos in iis deprehenderat, Philosophorum nævos, inanes argutiolas, de rebus nihili contentiones, λογισμαχίας, verborum sordes & barbariem, & id genus ineptiarum plurima false nec festive minus irriserit. Solidæ autem, & certæ veritatis, quæ nugaces illas contentiones quibus plurimi nimium delectantur, procul à se abesse jubet, dignitatem & splendorem ea Majestate proposuerit, ut hic ejus sermo & vanæ Philosophiæ



## O R A T I O

sophiæ sectatoribus pudorem incutere, & veræ cupidus summo ejus amore incendere potuerit. Quibus rebus effecit, ut nullum tunc temporis apud Ultrajectinos celebrius nomen fuerit COEMANNI. Ut hunc non solum tanquam in Philosophicis versatissimum, sed insuper à Natura factum Oratorem omnes admirarentur, suspicerent & jamjam ad maxima quæque destinarent.

Sacris hisce rite peractis non torpori, non desidia se dedit, verum eo acrius instigari sensit animum ad abditissima quæque solerti indagine pervestiganda. Erat noster, eramus omnes *Peripatetica Philosophia* imbuti principiis, nisi quod in *Physicis*, ex *Galileo*, *Gassendo* & id genus scriptis nonnihil Verioris & Mechanicæ rationis degustaramus. Summum illud sæculi nostri lumen, illustrem Mechanicæ Philosophiæ propagatorem, Renatum Cartesium videramus nondum, nisi id vidisse est, quæ non intelligas perlegisse. Hujus Viri, circa ea præsertim quæ Deum & mentem spectant, scrutandis dogmatis totum se dedit, amica hac in parte usus opera *Clar. de Bruyn Physices & Matheos* dignissimi ibidem Professoris. Cui eo nomine plurimum debet noster, & me debere profitebor, dum spiritus hos reget artus. Ex hoc præter facilem scopi Auctoris interpretationem primum hausit non perfunctoria lectione evolvenda esse hujus  
Viri



# F U N E B R I S.

Viri monumenta, sed attenta meditatione perlustranda, neque quemquam, nisi qui cum eo serio meditari voluerit, mentem ejus perspicere, veritatemque detegere ulla ratione posse. Quam viam ingressi, & per litteras, aberam enim ego, de progressibus nostris communicantes, sensim animadvertimus majori, quam hactenus experti essemus, nos Veritatis luce perfundi, mentis dispelli tenebras, & habere nos in nobismet ipsis, modo dotibus à Deo concessis rite utamur sufficientem circa has res Veritatis scaturiginem. In rebus *Physicis* non eam invenimus difficultatem, utpote ad quas recentiorum scripta nobis perfecta aditum jam fecissent. Jamdudum enim *Formis substantialibus, Qualitatibus realibus* & id genus figmentis nuncium miseramus, quo promptius *Mechanicam Philosophandi* rationem amplecteremur. Quam sane in *Physicis*, ut & priorem ex intimis mentis haustam penentralibus in *Metaphysicis* unicam esse viam, qua veritas detegi potest, asseverare nullus dubito. Quæ & sua perspicuitate sibi viam fecit apud *Anglos, Gallosque*, & faciet porro, ubicunque liberior spirat aura.

Absolutis hisce Juris studium impigre aggressus *Amstelodami* primum, *Joannem Chrisle-nium*, & dein *Leydæ* Celeberrimos Antecessores summa cum assiduitate audivit. Memini sæpius laudantem nostrum *Cons. Colonii* operam, qui sibi

## O R A T I O

sibi in digestis interpretandis fori simul dedisset gustum. Cui etiam Viro sua industria ita placuit, ut eum hinc discessum parantem, nullis præmiis, quæ Vir ille habebat à se alienissima, sed solo ejus amore inductus maximo studio retinere, & telam Præeos jam inchoatam suis sub auspiciis porro pertextere ut vellet obsecrare propemodum non dubitaverit. Sed res nostri aliter ferebant. In jure vero ita versatus est, hic dum fuit, ut ei non sufficeret Imperatoris mentem assequi, nisi una opera & qua niteretur Lex, rationem cognitam haberet. Prudenter etenim secum reputabat, interesse quidem omnino Reip. Civiumque fortunæ non hujus illiusve fallaci nonnunquam ratiocinio, sed certo statutoque jure nitantur, interesse tamen etiam sua, ut intimius in legum rationem & originem inquireret, ratus jus, quod rationi non consentit, verbo quidem jus, re meram injuriam esse. Et sane quid quæso absque ratione jurisprudentia præter memoriam variarum, quas de diversis in jure rebus habuere Jureconsulti, opinionum? Aut quonam quis pacto cuicunque casuum lege non definitorum varietati jura applicabit, aut legum etiam defectus restituet, uno verbo Jureconsulti munere fungetur, qui Veras Juris causas, Originem, rationes animo complexus non fuerit? In eo siquidem consistit *Vera illa & non simulata Philosophia*, quam jure merito

FOUR



# F U N E B R I S.

merito tantopere deprædicat *Ulpianus*. In hisce autem dum elaboraret non minus tamen indefatigabili labore incomparabilem *Gronovium* (quem adhuc dum luget Academia & lugeret acerbius nisi in Filio reviviscentem gauderet se videre Patrem) de Historiis litterisque differentem & publice & privatim audire voluit. Norat etenim quantum ad usum vitæ momenti, quantum ad juris decreta penitus intelligenda adjumenti præbere possit Historia. Norat quid gratiæ venustatisque, imo quid auctoritatis & roboris haberet casta & pura oratio. Hac mente ita se dedit *Gronovio*, ut unice historias colere, ita se juri, ut solis juris præceptis addiscendis vacare videretur. Hoc nimirum valet indefessa vigilantia summo cum ingenii vigore conjuncta, ut quæ plerorumque Vires vel singula exsuperant, ea tamen copulata nostri Viribus non suffecerint. Neque enim cuncta hæc, quanquam maxima sedulitate singula persequeretur, ita eum tenuerunt occupatum, quin frequenter ad amænissimos Musarum fontes, quibus summopere capiebatur, deflexerit. Quanti moliminis, quantæ difficultatis sit in Poësi quidquam posse, vel ex eo liquet, quod singula vix sæcula singulos orbi litterato Poëtas donent. Quo mirere impensius vere mirabilem in nostro ingenii temperiem, qua & abditissima quæque & longe deductis ratiociniis nixâ non

F                      minus



# O R A T I O

minus penetrare, quam in rebus minus quidē seriis, singularis tamen genii indigis, maxima cum laude versari potuit. Et sane, qui considerat certas rerum Mathematicarū, ut has unice adducam, scientias ab omni falsitate fictione ve remotissimas, & dein Poë-  
sios, cujus tota ars in ingeniosa sollertique fictione est, advertit indolem, stupebit, nisi fallor, summum hocce rerum discrimen obicem non posuisse, quo minus utraque hæc summe laudabilia rarum in modum unum in ingenium confluxerint: stupebit illam indolis ad quælibet & percipienda & efficienda promptitudinem, quæ, ubi opus, imaginationi fictionibusque indulgere, & dein, ubi res juberet, solido firmoque judicio rerum abstrusissimarum veritatem dignoscere potuit. Rara profecto felicitate. Cujus tamen compotem fuisse *ἡ μάκαρ ἦτορ* testantur in utroque genere scripta, quæ plurima affecta, nonnulla elaborata reliquit. Gravi siquidem & ornata oratione in ea Philosophiæ parte, quæ divina attingit, res explicuit à vulgi captu remotissimas. Moralem Philosophiam in certas redegit classes, multasque ejus partes sane quam non jejune tractavit, quæ sibi aut summum amicis, non publico scripta voluit, certissima limatissimi judicii testimonia. Cujus quæ in forensi opera luculentissima dederit indicia jam prætermitto. Neque pauciora extant Poëtici genii non vulgaria docu-

# F U N E B R I S.

documenta vario sermone *Latino, Gallico, Vernaculo* conscripta, quo dubium relinqueret amicis, quibus hæc videre contigit, Oratorne vehementior, an Poëta venustior, Philosophus subtilior, an Jureconsultus esset solidior, suane, an Gallica, an Latina lingua uteretur peritius. Ipse ego inter <sup>Κερήλιος</sup> asservo nostri quædam poëmata, prima licet in adolescentia, cum vicesimum nondum expleisset annum, confecta, cedro tamen dignissima. Extat præterea virilis ætatis carmen Belgico conscriptum sermone, de *Abrahami Sacrificio*, in quo elegantissime verioris ex Philosophiæ fontibus Divini numinis præsentiam, Majestatem, justitiam & benignitatem gravi, & quæ materiam deceret oratione celebravit. Hæc erant ejus à studiis avocamenta. Hæ animi recreationes. In hisce ejus quies, quæ magnis etiam Viris summa fuere negotia. Delassatus ab opere non ille genio, non ludicris exercitiis, non comestationibus indulgere, sed lassitudinem hoc illove studiorum genere contractam alio labore excutere. Sed Leydam redeo. Qua ille discedens *Ultrajectum* repetiit eo animo, ut, procul ab amicis dum degeret, iis, quæ acceperat meditando consummandisque totus vacaret. Privatim nullo præceptore usus est. Publice perorantes *Grævium* audivit & *Cyprianum*. *Ultrajectum* relinquens *mensē Octobri* anni 1664. Galliam sibi videndam cense-



# O R A T I O

fuit, non quod forte multis in more est, peregrinationem captans, quo apud exteros tutius & excusatius peccaret, sed ut eorum consuetudine suos mores expoliret, & ut in omnibus non æque excellit omnis gens, quidquid externis in moribus præcipuum adverteret suos in usus transferret. Acta quippe illic ei vita est, ut pravarum libidinum prorsus expers, sic innocentium voluptatum admodum parca. *Aurelie* Novembri mense in utroque Jure summos honores & petiit & magno suo merito obtinuit. *Parisios* reversus frequens privatim in studiis, frequens in supremo Galliarum foro, frequens in Doctorum in Theologicis præsertim Virorum colloquiis. Vere anni 1665. exeunte Patriam revisit. Neque tamen illico se foro dedit, sed Hagæ annum & sex menses causas orantibus se addixit, ita tamen ut nonnunquam quid & ipse hoc in genere posset experiretur. Ex hoc sibi exemplum capiant ii, qui vix inspecto Juris Codice, vix obiter delibatis rerum summis, in forum dum provolant, magno Clientium damno imperitiæ inde turpe reportant testimonium. Hujus, inquam, exemplo discant non illotis hæc sacra tractanda manibus, sed omni litterarum cultu expolitum, & consummata juris cognitione instructissimum animum foro demum habilem esse, si & Clientibus subsidio, & sibi immortalitati



# F U N E B R I S.

tali futurus sit gloriæ. *Amstelodamum* tandem re-  
 dux causis cognoscendis agendisque incubuit. Nec  
 confedit, quin illico Celeberrimis illic Jurecon-  
 sultis in delitiis esset. Neque enim poterat tanta  
 virtus & sermonis facundia & morum venustate  
 gratior conspici, quin mox omnium bonorum in  
 se amorem eliceret. Statim hujus fores ingens  
 Clientium turba pulsare, opem & consilium im-  
 plorare cœpit, quibus ea inserviit prudentia, fide,  
 integritate, ut ab iisdem obsequium & reverentiam,  
 ab æqualibus admirationem & amorem, à judicibus  
 deniq; summâ de se reportarit existimationem. Sæ-  
 pe equidē nec sine voluptate me audisse memini,  
 tum eos qui Magistratu fungerentur, tum qui in  
 eodem sese exercerent foro, una voce deprædican-  
 tes, elucere hoc in Viro profundam juris scientiam,  
 incredibili diligentia, fide, æquitate, eloquentia sti-  
 patam. Id sane res ipsa docuit, id omnium voces te-  
 stantur, id Judices, id Advocati, id omne genus ho-  
 minum, id ipsum forum clamat, in celeberrimo  
*Amstelodamensium* emporio, immensaque illic  
 Jureconsultorum turba, in forensi exercitatio-  
 ne, nostrum suæ ætatis parem habuisse nemi-  
 nem. Hæc quidem publice. Privatum *Juri Nauti-*  
*co* præsertim constituendo consummandoque ope-  
 ram navavit. Quam juris partem elucubrandam  
 sibi eo sumsit alacrius, quod eam Hollandia nostra

# O R A T I O

proprio quasi jure sibi merito vindicare videtur. Universum hocce certo jam ordine disposuerat, variasque ejus partes Latino sermone mira tractavit elegantia, qui liber magna sui parte mutilus, dignissimus alioquin qui lucem videat, inter reliqua ejus scripta jacet. Quæ quidem omnia ut honorificentissima, sic & operosissima, non ita tamen *παλαιότητι* nostrum penitus foro & juri astrictum implicitumque habuere, quin frequenter altioribus se dedêrit meditationibus. Vastus ille Juris Oceanus, frequentissima Clientium turba, non capere, certe non tenere magnitudinem animi, quin identidem terrenarum cogitationum satur majora & homine digniora, & ex quibus æternam speraret felicitatem, cogitaverit. Fuit enim in eo ab ipsa pueritia singularis pietas, qua sacris adhibere mentem ardebat animus. Hoc præstitit Leydæ, hoc in secessu suo Ultrajecti. Mecum enim hic audivit, multorum hodie amoribus, multorum odiis, solenni excellentium Virorum fato, jactatissimum Virum, in rebus certe Theologicis vel adversariorum calculo maximum *Joannem Coccejum* Novum Fœdus innumerabili discipulorum catervæ exponentem. *Ultrajecti* multus fuit in legendis sacris, ea quidem *ἀνεκεία*, quam ab homine aliis studiis dedito vix expectares, ut singula tantum non verba sollicitus expenderit, ratus divinis in scriptis nullum esse apicem, in quo  
non



# F U N E B R I S.

non scitu dignum quidpiam lateret, simul secum reputans ipsis ex fontibus omnis Theologiæ purius ad nos fluere cœlestem veritatem, quam ex innumeris Theologorum interpretamentis. Nec ab hoc instituto alienus fuit, dum in Gallico versaretur itinere. Nam *Parisiis* cum degeret, acerbissima, quæ tunc forte fuit, hyeme absterreri non potuit, quin antelucanas quotidie horas sacris litteris evolvendis, & controversiis, quæ inter Pontificios & Reformatos agitantur, expendendis impenderit. Quæ cum adolescens egerit, cum itineris molestia non dereliquerit, quid censetis eum effecisse jam Virum, jam in Patria placide fixo hærentem domicilio? Quidquid erat à se relaxamenti, quidquid temporis vel Clientibus vel Amicis vel sibi etiam subripere poterat, id rebus Theologicis dare; nostri autem memoriæ cum firmitus inhærent ex interpretationum delitiis, quas à *Coccejo* hauserat, hujus Viri scripta curioso oculo perlustrare cœpit. Ex quibus omnibus eam sibi rei Theologiæ confluxit peritiam, ut non modo, quæ scire quemvis Christianum decet, perspecta habuerit, sed & profundius in mysteria Fidei inquisierit, Prophetarum vaticinia sedulo pensitaverit, Controversias non omnis generis, sed quæ ad salutem pondus habere videbantur discusserit, imo cum sese præstiterit, ut post breve cum nostro habitum colloquium summa



## O R A T I O

ma cum admiratione ab eo decessisse norim *Celeberr. Academia nostra Theologum Wittichium*. Quo rerum divinarum amore flagrans in Græcas litteras; quibus jam olim non contemnendam operam in Academiis dederat, incubuit alacrius, iisque Hebraicas consocians effecit, ne hujus quoque linguae imperitior multo esset, quam qui ea docti habentur. Ardori quippe suo quo in sacra ferebatur tum demum satisfactum iri autumabat, si Deum sua lingua loquentem audire liceret. Hisce dum studet & maturam conjugio ætatem suam, (27. enim jam natus erat annos) & certum vitæ genus sibi propositum cerneret, ad conjugem sibi deligendam animum adjunxit, studiorum censens tædia, litigantium rixas, & quidquid in vita molestiarum est nulla melius arte quam Uxoriis blanditiis animo abstergeri. Voti hinc factus compos anno 1670. a. d. xix. *Calend. Februar.* Uxorem duxit, si vel ætatem (paucis enim mensibus erat minor) vel generis honestatem, vel fortunas, vel denique, quod omnia hæc longissime exsuperat, probatissimos mores spectes, *Lectissimum Virginem Saram de Moor*. Habuit illa avum *Jacobum de Moor*, Aviam *Elisabetham Ruyschenberg*, honestissimos quondam *Ant-verpie Cives*, qui inde, experti infandam illam calamitatem, qua præclara illa Belgii Civitas & ab Hispanis & à Gallis misere sæpius exercita fuit,

# F U N E B R I S.

fuit, in *Hollandiam* profugi *Dordraci* lares posuere. Ex septem horum liberis unus *Bernardus de Moor*, insigni fide & integritate apud *Amstelodamenses* Mercator, Uxorem sibi elegit *Claram van Capelle*. Nativitatem illa suam debebat *Roco Pr. F. van Capelle*, insigni itidem Mercatore, & *Catharina Jacobi F.* ex quorum sat copiosa liberorum multitudine unicus superstes vivit filius, Avunculus nostri *Viduae*, *Nicolaus Roci F. van Capelle* Senatoria & judicis dignitate, & societatis *Indiæ Orientalis* Præfectura in urbe Patria illustris. Horum filia *Clara* inter ceteros *Bernardo* peperit *Saram de Moor*, *Ἐμμανήιτις* ut nunc Mœstissimam Viduam, sic læto quondam illi partu sæpius fœcundam matrem. Suscepit enim noster ex hac præter duo filium filiamque, qui lucis auras non aspexere, sex liberos, omnes, si ab uno Filio discesseris, puellas, è quarum numero tres *Clara*, *Joanna Catharina*, *Anna Elisabetha* superstites, quo minus patrem lugeant, ætas efficit.

Hac thori recreatus felicitate, & ad majora molienda excitatus animus nunquam non in opere versari; amicis consilio, prudentia, ipso sui exemplo præsto esse, nulli opem suam imploranti denegare, nisi causæ vetaretur injustitia; imo hisce in negotiis se præstare eum, optimo jure ut omnibus foro videretur major. Cujus rei fama in obscuro esse ita non potuit, quin

G

nuper



# O R A T I O

nuper ad Ampl. Acad. Proceres delata eos moverit, primum ut anxie inquirerent ; dein cum expectatione omni ampliora ingenii & eruditionis minime fucata undequaque acciperent testimonia , ut Honesto ad Acad. *Βελέω* evocandum cernerent. Ne autem repugnaret noster , stationemque, ex qua jure omnia sibi polliceri poterat maxima, deferere ut vellet, effecit vitæ à jurgiis rixisque alienæ quietior in Acad. ratio, ipsius animo quammaxime consentiens. Abeuntem eximio benevolentiae specimine profecuti sunt Amstelodamenses proceres, Senatusconsulto facto, quo eum Acad. operam dum daret, civium suorum numero non eximi declararunt. Inauguralem pro more Orationem habuit a. d. iv. Calend. Julias ; de qua quid ego Vobis dicam ? Quid rerum pondus, quid elocutionis nitorem , quid Carminum Majestatem, quid actionis deprædicem gravitatem ? Audivistis etenim Audi. & adhuc dum, nisi fallor, dulcis illius perorantis sonus suavissima modulatione Vestras æque ac meas aures demulcet. Vidi ego, vidi omnium vestrum intentas mentes, Ora in hunc unum defixa , dum Cygnea ille cantione sua animos Vestros deliniret, dum suum in Vos studium & amorem exponeret, dum universi juris insignem peritiam suam aperiret, Nautici defectus ostenderet, dum in tantæ rei perfectionem & Proceres incitaret

ret



# F U N E B R I S.

ret & suam etiam modeste operam polliceretur, & vel hoc ipso singularem in Patriam, in Hollandiam nostram amorem declararet. Audivi omnium Vestrum omni sermone disertius silentium, magnæ admirationis indicium. Audivi Vestrum omnium applausus gaudentium non in aliena Terra, sed Batavo sub sole genitum & educatum eum, qui & res sciret præclarissimas, & easdem maximo Orationis lumine illustrare posset. Orationem excepere Feriæ, quibus vix elapsis gestire animus prodire in publicum, immenso suæ eruditionis Thesauro studiosorum inservire commodis, & consummatissima studia in Acad. proferre. Cum ecce triduo ante destinatum ipsi recitationibus publicis diem *Amstelædamo*, quam citato gradu Urbem petere in Parentem senem & morbo affectum Pietas jusserrat, reducem corripuit febris, quæ & ejus & nostrum omnium rationes conturbavit misere. Febris fuit continua in singulos dies exacerbationibus admodum molesta. Mox ille in ipso statim morbi initio Deum respicere, ad eum sua vota dirigere, Animæ, siquid forte secius de vita statutum foret, consulere, testatus, eum in statum ubi se collocarat, ac si extrema quæque ipsum manerent, quietiore animo se mortem prospicere, Deum & Divinam gloriam expectare. Prima morbi hebdomas alvo laxata, sanguine misso, sudoribus sæpe motis

G 2

utcu-

## O R A T I O

utcumque fuit tolerabilis. Octava luce ad vesperam somno experrectus, horret animus, febris subito ingruentis vehementia in furorem coniectus est homo mitissimus & placidissimus. Quo tamen ipso in furore, attendite quæso quid non possit constans in pietate vitæ ratio, nil præter Deum & Divina spirabat, omnis ejus de Deo sermo, perpetuæ ad Deum preces. Quo in statu tristissimam exegit noctem. Medici pessima omnia ominantes, furori ut occurrerent, venam iterum secari jusserunt. Quies utcumque fuit postmodum. Verum spem incidebant collapsæ morbo Vires, quas decimæ diei Paroxysmus ita prostravit, ut pulsum vermiculantem sudores comitarentur frigidi, certissima instantis mortis præfagia. Prætermiseram propemodum, quod tamen prætermittendum nequaquam est, nostrum, dum, ut fit tali in statu, nunc hæc nunc illa congereret & sæpius rem inceptam intermitteret, nullibi fixum teneri potuisse, nisi in sermonibus de Deo, de æterna salute. Videres ex illorum auditione recreatam mentem, & aliquantisper ad se quasi redeuntem tali alloquio molestiis levatam. Adfui & adfuisse me gaudeo, cum jam morti proximum moneret affinis, deficere humanas opes, omnem in Deo spem collocandam. Cui noster intenta voce, ita se rem habere respondit, & ne cui videri possint hæc verba

ba



# F U N E B R I S.

ba Delirii fuisse, mox subjunxit voces omni memoria dignissimas, *In Deo omnis mea perpetuo fuit fiducia, & adhucdum est.* Tam insignis est constantis pietatis efficacia; tanta vis in Mente Deum vere sitiente, ut vehementissimi delirii impetus infringere, claustra, quibus corporis consortio vineta tenetur, perrumpere, nec dubiis sese foras prodeire iudiciis potis sit. Hisce cum corporis malis ad horam usque matutinam septimam diei Jovis, qui fuit *a. d. iv. Calend. Octob.* conflictata mens, ut proculdubio maximo suo gaudio, sic omnium amicorum ineffabili mœrore, silentio astantibus indicto, conversa ad Deum, ipsis in precibus corpus, quod secum 36 annos circumduxerat, exanime deseruit, & ad Deum, quem unice deperibat, abiit.

Itane ergo, charissimum mihi caput, nos miseros hic destituis? Itane nos jucundissimo tuo conspectu, suavissimo alloquio, prudentissimis consiliis orbatos derelinquis? Hancine ob causam tot exantlaveras labores, tot te molestiis defatigaras, ut in medio pulcherrimæ vitæ cursu, quidquid iis tibi compararas sapientiæ, eruditio- nisque, à nobis auferres? Dolueram diu nos animo conjunctissimos, ita tamen nostris rebus ferentibus, corpore disjunctos vivere. Hoc me dolore levarat nupera tui ad Acad. vocatio; Nunc nec opinato redit ille idem & redit multo acer-  
G 3
bior,

# O R A T I O

bior, tuo illo, & omni reditu carente discessu. In te mihi incredibilis exemplar proposueram diligentiae, sedulitatis. A te mihi pollicebar, quidquid à summo amore in quenquam proficisci potest. Hisce tot & tantis repente privatus bonis dolore miser obstupesco.

Ignoscite quæso, mœstissimi & *παράγ' τ'ε* affines, consanguinei, ignoscite, si nimio, iustissimo tamen mœrore abreptus meos potius, quam Vestros luctus lugere videar. Neque forte hoc ipsum à ratione alienum putabitis nimis. Quanquam enim sanguinis affinitatisque vinculis vobis facile cedam, amicitia profecto, qua nihil in terris præclarius, nihil sanctius, nulli facile cesserim. Is ego fui, qui à prima pueritia arctissimo consentientium voluntatum nodo defuncto astrictus fui; qui in mutuo hocce amore magnam felicitatis partem posui; quem ille consiliorum suorum, ut ego illum meorum, plurimis in rebus participem habui; à quo multa benevolentiae signa sæpius hauseram, plura expectabam. Hac dulci spe, hac jucundissima expectatione dejectus, nihil mihi ex tot rebus charissimis restare video, præter acerbam earundem memoriam. Novi equidem præter hæc omnia, quæ mihi Vobiscum fuere communia, Vos præcipue lugere domesticos Vobis luctus. Caret mœstissimus senex charissimo illo pignore,



# F U N E B R I S.

gnore, quod tot curis enutritum, tot laboribus  
 efformatum ad id eruditionis & honoris culmen  
 pervenisse & gaudebat & mirabatur, in quo uni-  
 co superstite omne solamen senectutis, omnia vitæ  
 gaudia habebat reposita. Caret marito Vidua, quem  
 ineffabili amore prosequabatur. Caret hoc ipso in  
 squallore, cum maxime eo opus est, mariti nunquam  
 non alias præsentis solatio. Unicum illud suum a-  
 misit in adversis auxilium, in secundis delecta-  
 mentum; verum quid ego res secundas dico? qua-  
 rum nomen simul cum re amisit. Carent liberi  
 sollicita parentis institutione, carent iis præceptis  
 quæ ad veram virtutem eos duxissent. Horum  
 curam omnem in se rejectam loget parens super-  
 stes, lugent affines. Auget dolorem nuperus huc  
 adventus & ex eo repentina nimis discessio. Effu-  
 sissimæ gratulationes in commiserationis & dolo-  
 ris testationes conversæ; Gaudia subito immuta-  
 ta nescio quem mœrori addunt aculeum. Cui &  
 cumulus, ut minima quævis tristem per se angere  
 vehementius solent animum, accessit ex eo, quod  
 multorum ex proximis morbo hæc iusta, quæ si  
 & mea, & Vestra valuisset voluntas, jamdudum  
 peracta forent, nunc demum peragantur, & hoc  
 sibi debito honore hucusque caruerit defunctus.  
 Verum quid ego & Vestros & meos luctus exagi-  
 to? Quid crudo & sanguinem adhuc dum funden-  
 ti

# O R A T I O

ti vulneri unguem a Imoveo? quasi sine harum  
 rerum tristi commemoratione non gravis satis no-  
 ster esset dolor. Præstabit nosmet ipsos ad solatia,  
 aut doloris sane lenimenta convertamus, quæ si ulla  
 in morte, in hac certe sunt maxima. Maritum, Fi-  
 lium, Affinem, Consanguineum amisistis. Sed  
 non tam cogitate quæso Vos hunc amisisse, quam  
 cælo reddidisse. Ejus Prudentiam, Consilia, Hu-  
 manitatem, amorem, & cæteras denique præclarissi-  
 mas ejus dotes desideratis: sed an Vos fugit obsecro  
 has ipsas virtutes ut à Deo profluxere, sic ad eun-  
 dem possimini jure revertere? Spes Vestras, Spes  
 Acad. Spes Juventutis morte Viri longiore vita  
 dignissimi everfas tristi mente contemplamini.  
 Sed profecto solari vel hoc ipsum Vos possit, Eum  
 fuisse *ἡμῶν χαρακτήρ*, qui spes tantas, tantam sui ex-  
 spectationem & commovere & implere potuerit.  
 Neque immatura mors videri potest ejus, qui hac  
 jam ætate ea peregerit, quæ plurimi ne senes qui-  
 dem, quique, vitam si non annorum numero, sed  
 rerum maximarum metiamur cognitione, humani-  
 tatis terminos expleverit, si non excesserit. Et sa-  
 ne nonne satis diu in rebus humanis fuit is, qui, cæ-  
 teras ut taceam virtutes, solidam Pietatem, qua  
 omnia continentur, à Deo nactus est? qui nunc  
 eadem illa ad Deum evehctus inter cælestes animas  
 cælestem vitam degit? Sed interim Vos hic jacetis  
 soli



# F U N E B R I S.

foli, Caret marito Uxor, Filio Parens, Parente  
Filiæ. Quid itaque? Reminiscimini hoc in re-  
rum statu salubrium monitorum, quibus sapius  
uti solebat *ὁ μακάριος*; Permittendum esse supremo  
expendere Numini, quid

*Conueniat nobis, rebusque sit utile nostris.*

Fixo animo tenendum sapientissimum res nostras  
gubernare Deum, eaque semper esse optima, quæ  
eveniunt. Neminem esse, qui in terrenis Vera  
bona à malis secernere, qui quid profit, quid no-  
ceat, iusta queat ratione dignoscere. Id unice o-  
randum, in hoc uno summam votorum collocan-  
dam esse, secundum sanctissimam & sapientissi-  
mam Dei voluntatem ut fiant omnia, quam illum  
vocem tristissima illa, cujus non sine horrore re-  
miniscor, delirii nocte identidem ex intimo cor-  
dis affectu ingeminantem audivistis. Hæc & quæ  
in hunc sensum plura nunquam non inculcare  
solebat Vir sapientissimus, si in memoriam revo-  
ceris, Vestros luctus non quidem extinguunt,  
quod in tanto & tam recenti vulnere sperandum  
non est, lenient tamen & comminuent. Vos au-  
tem, *Nobilissimi Juvenes*, qui Juri operam addi-  
xistis, agnoscite in hujus Viri obitu, Vestros  
etiam casus. Imo vero eos Vos agnoscere jam  
ostendistis, cum summa frequentia privatam vi-  
ventis opem rogastis, summo desiderio publicam

H                      exspe-

## O R A T I O

exspectastis. Habuissetis in eo animum Vestris commodis devotissimum, cui nihil fuisset antiquius, quam veram Vobis ad eruditionem viam monstrare; juris, qua pollebat, peritiam impigro labore acquisitam omnibus modis Vobis instillare, & quod maximum est, incredibili diligentia & temperantia exemplo Vobis præire. Qualis autem in docendo fuisset, ipsa statim primordia declarassent. Audivissetis præfationis vice, diserta oratione, summo argumentorum pondere, refutantem *Hobbii* principia, quibus ad omnia scelera Natura factum hominem, eademque, quæ meditatur, ab aliis sibi metuentem fingit. Ostendisset contra Juris, æqui bonique principia, non ex externo à sceleribus patris deducenda metu, sed ex rationis rectæ repetenda fontibus. Hanc velle docuisset ad perfectissimum, quantum in nobis est, Dei exemplar, ad sanctissimam Divinæ voluntatis normam, componenda esse nostra omnia. Facile autem Divina attributa contemplanti liquere, eam ejus voluntatem esse, quæ benignissimæ, justissimæque Naturæ respondeat. Ad quam si advertamus mentem, cognituros nos, non sceleribus, non cædibus, non cujusvis generis maleficiis, Dei nos Naturam moribus exprimere, sed honesta vita, Neminem lædendo, & suum cuique tribuendo, quæ prima sunt Juris fundamenta.



## F U N E B R I S.

damenta. Hoc ex specimine intellexissetis opinor hunc non diserte minus quam solide jura vobis interpretaturum fuisse, & quid in iis innata in nobis valeat ratio demonstraturum. Hæc autem nunc omnia cum ipso jacent. Sed non jaceat in nobis gratissima hujus Viri memoria, non excidat animis ea virtus, ea vis ingenii & facundiæ, quæ justissimam vivo peperit venerationem. Hoc unicum est, quo dignas ei grates pro propenso in nos, in studia animo referre queamus. De cætero Deum Opt. Max. precemur, hocce damnum quod Uxori, quod liberis, quod Amicis, quod Acad. quod Juris studio, hujus obitu inflictum est, resarcire non dedignetur. Uxorem, Liberos, Amicos ope & solatio juvet; Academia, & Juris in ea studiosis successore, sed Academia, sed defuncto dignissimo prospiciat.

## D I X I.







